



服部文庫
417
2099
5



99
5
1



聖言古



送矢田大夫西上詩三章并序

視天作合關雎音興天下母則從此始大夫奉

東王命入賀作是詩送之

二儀初判開我東方邈矣

皇祖並明大陽赫赫在天仰止以光承祚一姓億載

無疆於鏤

桓武爰景爰岡相彼中土作此上京魏今文物率由

舊章大平

天子端拱明堂坤元定基玄雲呈祥 皇朝有慶萬

邦所望

萬邦同慶庶民抃舞况乎我
王國之肺腑雖來
居東乃喜西顧彼有良嶽維
王所宇壯哉宮觀爰
與今古膚寸雲合九有降雨鎮我
皇京施及率土
載命使臣賀天之祐庭實旅百獻于
帝所使臣祇
役遵洛之游
祇役誰居大夫出使雨雪濼之歲云晏矣皇華式歌
行色以美肅肅于征豈憚千里五十三驛山川邈迤
望彼帝京佳氣鬱起冠紛繹周道如砥宇內輻湊
爰攸底止薄言竣賀歸期亦邇大夫有勤王其勞
爾

五言古詩

和米子隱將歸築紫見別之作

之子與我別各悲生別離舟楫歸紫海何為能追隨
江山已遼落會面不可期握手悵相顧良朋從此辭

仰視
月光晝夜長相思

暮春將遊相中別諸子作

暮春艷陽節永日宜客行烟霞靄郊野花樹又鮮明
貧賤亦有幸世網不爲嬰興來即命駕卒意裝自輕
浮遊從所欲處處縱勝情關中負海地逶迤連路程
滄波望何渺千里風景晴相州限函谷衆山疊崢嶸
此際多陳跡周覽且縱橫童冠六七人相送出都城
置酒驛亭上離杯此同傾黃鳥近在側將別轉嚶嚶
來往十餘日還期已有盟山川應接好何如對友生

燕子詞

燕燕雄與雌雙來止我堂故巢幸猶在振羽一迴翔
今年復就此此栖不可忘辛苦含泥土東西頡且頡
身微志亦小蓄相安一梁哺成五六子呢喃口正黃
所願秋節至歸歟共相將鴻鵠非儔侶何羨冲彼蒼

賦得仙人好樓居爲楚琴老侯壽詞

高樓百餘仞鬱起彼中天棖桷如雲霞結構煥且鮮
飛欄承倒影依稀太山巔真人居其上氣骨一翩
昔者朝帝處乘鶴凌紫烟今也從所好此樓會衆仙
松喬忽來至各自臨我筵嘉穀將旨酒羅列置我前
宮商倫目次新聲管與絃歡樂長若斯誰不羨延年

經總州國府臺作

河水西北來輕舟汎且溯行到國府臺停撓望前渡
絕壁百餘仞奔流嚙迴注上有白戰場鬱々多松樹
蠻觸何所爭酣戰一相苦鼙鼓振天地長飈翻赤羽
壯士不旋踵一時盡僵仆死傳千歲名骸骨委霜露
城壘餘形勢寂寞河山固往事將問誰荆棘伏狐兔
行客踟躕久吊古徒四顧林丘隨步轉欲歸失還路
悠悠刀補水悲咽達昏暮

石仲綠挽歌詩三首

傷哉死生大奄忽安可持吞聲哭友朋友朋者爲誰

車

咨我石仲綠慷慨且不羈仕宦非其好拂衣有所宜
客遊兩都間玩世自委蛇青年薄幸名娛樂聊及時
往事已成空今也子何之鬼伯苦相促軔車徒自馳
咄我石仲綠聽此蒿里辭

之子經國業吾黨稱老成翩翩翰墨林逸氣獨縱橫
下帷多從遊千里自揚聲所遇發春華紛葩粲鮮明
奈何彼穠矣一朝不保榮涼秋氣何悲霜露時復零
形軀隨化滅夜臺空冥冥不朽於何物遺草託友生
洋洋大雅音長與金石清
生時酒交綢繆情不薄飲宴忘疲倦賞會令人樂

醉歌聲清亮風流善戲謔言笑猶在耳宛其歸冥漠
茫茫天地間自今將何託銘旌翩以先送之出北郭
秋風吹曠野百卉慘消落一丘松柏下千載之營魄
嗟爾造物者奈此長眠客

詠史詩三首

大古濟斯民神聖降蒼穹乘龍翔紫海正域暘谷東
四隅三萬里車書旦一日升臨六合光自我邦通
跡之耶摩都爰作檀原宮皇基何所卜世祀傳無窮

二

熊襲懷不庭皇子率六師生年纔二八神武震西垂

王化時未洽東轅征蝦夷莽之野間豺狼伏且窺
如何闕伯氏炎赫助逆馳據鞍引神劍反風在一麾
行之蹈總海之若驕為危我妃嬖侍側報恩從此辭
風波忽已定燕婉念在茲振旅陟彼岡回望心東悲
遠道疲跋涉山澤一倭遲不避龍蛇害濯足瀟水湄
英魂為白鳥冲霄何處之奕之蓬島廟長與日月輝

三

神后征三韓方值載震時坤位嬖在疚誘衷寧可辭
斧鉞易琴瑟擐甲解狄衣殊域隔瀛海龍舟忽電馳
前驅命風伯陽侯受役祗天地何為者迴轉從指揮

成

疾雷不掩耳金湯誰得支鮮奴盡驚伏朝貢相追隨
異哉武宿彌鷹揚我師遐齡三百歲矍鑠長若斯
白賁墅就荒社友相資檢校同賦

邁

丘園寂蕭森幽樹接郊藪結宇時避喧徘徊澁谷口
藹軸聊風詠知足庶無咎窮賤元吾分寧與軒冕偶
束帛曳以光誠為乘且負蔬瓜各自長縱橫竟數畝
米采將贈誰植杖茲摘取野趣宜遊憩再歷稔久
檐隙蛛網蜜女蘿施窻牖漏屋無乾處頽牆半腐朽
墜葉積為塵灑掃不勝帚柴門終日閉徒使老農守
荊榛塞徑路披來誰咨扣多謝諸故人綢繆意何厚

荏

幸不我遐棄葺治相先後荒穢總就淨復此會親友
何以樂今日貧厨無所有清談當嘉肴共酌濁醪酒
桑榆餘照微歡心猶携手鐘磬聲殷々佛廬隣林阜

九日高陽館宴送門士蔚詩

菊花報佳節冷露紛滿叢燕會寧後時歡笑茲暫同
華館酒如河高陽名不空僕夫戒何促既醉歌未終
五馬歸南服之子亦相從千里悵傷別舉首臨高風
西眺玉笥山行路在其中勉矣羈綬任以答主恩隆

神戶侯充大坂副衛使作此奉贈二首

大坂鎮臺副丞 命慎其職君侯富春秋翩々意已

得雄飛誰不羨將舒凌霄翼簪纓紛麋至飲餞雙闕
側朝發東都門整駕戒行色千騎肅相從脩路憑熊
軾桑海帆以濟山川未終極便道歸封邑徒御聊且
息

息徒待瓜期瓜期在仲秋行到浪華界壯哉古皇州
都會甲天下萬貨爭相求市鄴鬱鱗次藹々人烟浮
繁華年少子輕薄事冶遊急絃正相依新聲誇名謳
富庶太平象臨眺聊上樓金城分守衛諸將皆列侯
干戈長偃息非有參軍謀且酌丹丘酒盛宴日獻酬

